

Headlines

- 1★ مرکزی وزیر ڈاکٹر جتندر سنگھ نے 2024 نانہ بھارت غا خلائی شعبہ واسطے اک اہم سال قرار دتو ہے اور کہیو ہے جے بھارت آئندہ سال گگن یان مشن غے تحت خاتون ربوٹ خلاء مانہ پیجن واسطے تیار ہے۔
- 2★ جموں کشمیر پولیس نے راجو ری غا 2 بنہ پا رہ رہیا دہشت گرد سرگنیا غی جائیدادان نانہ ضبط کیو ہے۔
- 3★ انتہائی سرد ترین موسم تے کہنی دُھند غے بشکا ر جموں مانہ بین القوامی سرحد ور بی ایس ایف جوان پوری چوکس ہیں۔
- 4★ نواں سال غی آمد غے پیش نظر قومی شاہراہ ٹریفک پولیس رام بن نے ایڈوائزری جا ری کی ہے۔
- 5★ تے محکمہ موسمیات نے نواں سال غی پہلی رات نانہ کُجھ اک مقامات ور ہلکی برفا ری غی پیشنگوئی کی ہے۔

Jatinder Singh SPADEX

ایٹمی توانائی تے خلاء غامرکزی وزیر مملکت ڈاکٹر جتندر سنگھ نے 2024 نانہ بھارت غا خلائی شعبہ واسطے اک اہم سال قرار دتو ہے۔ نوی دہلی مانہ میڈیا نال گل کرتاں واں ڈاکٹر سنگھ نے کلیدی کامیابیاں ور روشنی کہلی، بشمول سال غا پہلے تہاڑے ایکس پو سیٹ غو آغاز کیو تے اڈتیا ایل 1 مشن نانہ اس غا ہدف شدہ بالو آرہٹ مانہ کامیابی تیں داخل کیو، تے پہلی واری اگست غا مہینہ مانہ بھارت نے قومی خلائی تہاڑو مانیو۔ اِسرو تے سپیڈیکس مشن کامیابی سنگ شروع کیو، جہیڑو بھارت ڈاکینگ ٹیکنالوجی غو حصو ہے۔ یاہ ٹیکنالوجی وزیر اعظم نریندرمو دی غا آتم نربھر بھارت غا نظریہ غی نشاندہی کرے۔ بھارت غو پہلو انسانی سپیس فلاٹ مشن گگن یان غو مشق لگ بھگ مکمل ہو گیو ہے۔ اُنہاں نے کہیو جے اگلے بہرے اک ڈریس ریسرسل غو منصوبو ہے۔ جس مانہ اک خاتون ربوٹ غو استعمال وے گو۔ ڈاکٹر سنگھ نے اِسرو غی ٹیم نانہ ان ساری کامیابیاں واسطے مبرا رکبا دتی تے کہیو جے بھارت واسطے یوہ فخر غو لمحہ ہے۔ اس سلسلہ مانہ اُنہاں نے اس طرح کہیو۔۔

Income Tax Returns

برائے راست ٹیکس با رے مرکزی بورڈ نے رہائشی افراد واسطے سال 25/2024 واسطے آمدنی غی ریٹرن داخل کرن غی آخری تا ریخ نانہ 15 جنوری تک بدھا دتو ہے۔ اس تیں قبل اج غی تا ریخ یعنی 31 دسمبر آخری تا ریخ تھی۔ اس فیصلہ تیں ٹیکس دین آلاں نانہ اپنی آئی ٹی ریٹرن فائل تے نظر ثانی کرن واسطے 2 ہفتاں غو اضافی وقت مل جائے گو۔

Rajouri Handlers

جموں کشمیر پولیس نے دو مفرور دہشت گرد کا روائیاں نانہ سر انجام دین آلا دہشت گرد بینڈلز غی راجو ری مانہ واقعہ جا ئیدادان نانہ ضبط کر ليو ہے۔ جہیڑا فی الحال پاکستانی

مقبوضہ جموں کشمیر توں کم کر رہیا ہیں۔ ان افراد ور ملک دشمن عناصر غی حمایت نال منسلک سرگرمیاں غو الزام ہے۔ مہاراضلع نامہ نگار نے اطلاع دتی ہے جے ضبط کی گئی جگہ تحصیل تھنہ منڈی غا گراں بھاٹیاں غا اشتیاق احمد تے اسی گراں غا زاہد علی خان غی ہیں۔ جا ئیداداں نانہہ ضبط کرن غی کا روائی پاکستان مانہہ مقیم دہشت گرداں اور خطہ مانہہ کم کرن آلا ان غا ساتھیان غا نیٹ ورک نانہہ توڑن واسطے جا ری کوششاں غا حصہ غا طور ور ہے۔

JK Sericulture

جموں کشمیر غو ریشم با رے محکمو کساناں غا بنیا دی ڈھانچہ غی ترقی توں لے غے مارکیٹ تک رسائی نانہہ بہتر بنان واسطے جامع اقدامات غے ذریعے کساناں غی مدد کرن واسطے پیش رفت کر رہیو ہے۔ ریشم محکمہ غا ڈائریکٹر اعجاز احمد بھٹ نے مقامی کساناں نانہہ با اختیار بنان واسطے محکمہ غی کو ششاں با رے کا آمد گل غو اظہا رکیو۔ اُنہاں نے کہیو جے ان اقدامات غو مقصد پیداواری صلاحیت نانہہ بدھان، بہتر معاش نانہہ یقینی بنان اور ریشم غی پیداوار مانہہ جموں کشمیر نانہہ مضبوط کرنو ہے۔ اس با رے مزید جانکا ری دیتاں واں ریشم محکمہ غا ڈائریکٹر اعجاز احمد بھٹ نے اس طرح کہیو۔۔بائٹ۔۔

Jammu Road Safety Drive

سرک حفاظت نانہہ فروغ دین غی کوشش مانہہ ٹریفک پولیس جموں نے منی بس ایسوسی ایشن جموں غا اشتراک سنگ وکرم چوک جموں مانہہ اک بیداری پروگرام غو انعقاد کیو۔ اس پہل غو مقصد گڈی چالکاں، کنڈیکٹراں تے مسافراں مانہہ ٹریفک قوانین ور عمل کرن غی اہمیت تے گنجائش تیں متی سواری بٹھان غی وجہ سنگ خطرہ بارے آگاہ کرنو تھو۔ اس مہم غو مقصد ٹریفک ضابطاں غی خلاف ورزی اور خطہ مانہہ مسافراں غی حفاظت نانہہ یقینی بنانو ہے۔ اس سلسلہ مانہہ آکا شوانی نال گل کرتاں واں منی بس ایسوسی ایشن جموں غا صدر نے اس طرح کہیو۔۔بائٹ۔۔

مزید خبراں نال نصرت چودھری۔ ور اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان ور وی دستیاب (ہیں، اس تیں یہ خبر مہاری مو با ٹل ایپ تے ڈی ٹی ایچ ور وی دستیاب ہیں)

BSF Border

انتہا ئی سرد ترین موسم تے کہنی دھند غے بشکار سرحدی سلامتی دستہ بی ایس ایف غا بہا در سپا ہی جموں غی بین القوامی سرحد ور چوکس ہیں۔ سخت موسمی حالات مانہہ ان غی ڈیوٹی بو ر مشکل ہو گئی ہے، تے سردی غی لہر اور دھند غی وجہ نال کہٹ دسن غے باوجود وی جوان 24 گھنٹہ بائی الرٹ ور کھلا ہیں۔ اس گل نانہہ یقینی بنان واسطے کہ مُلک غی سرحدان نانہہ محفوظ رکھیو جا ئے۔ ایسا حالات مانہہ وی مُلک غی حفاظت واسطے جوتاں غی یاہ ہمت ظاہر کرے کہ وے مشکل حالات مانہہ وے مُلک غی حفاظت واسطے پوری طرح نال تیار ہیں۔ جوتاں نے اپنی ڈیوٹی غے دوران تمام شہریاں نانہہ نواں سال غی مہا رکباد پیش کی۔ اس سلسلہ مانہہ گل کرتاں واں جوتاں نے اس طرح کہیو۔۔بائٹ۔۔

IJA Jammu

انڈین انسٹی ٹیوٹ آف آرکیٹیکس یعنی آئی آئی اے جموں کشمیر چپٹر نے اک بار فر تعمیراتی مواد بارے نمائش بی ایم سی 25 غے سنگ قدم بدھایو ہے جھپڑی کہ اپنی نو عیت غی 11 مسلسل کا وش ہے۔ اس غو مقصد جدید تعمیراتی مواد تے تکنیکاں غے ذریعے تعمیراتی صنعت نانہ تبدیل کرنو ہے۔ جنہاں نانہ ملک پھر تیں جمع کیو گیو ہے۔ یاہ نمائش جے کے ریزارٹ ما ربل ما رکیٹ جموں مانہ 3 جنوری تیں 6 جنوری 2025 تک منعقد وے گی۔ جت تقریباً 70 سٹالز وینگا۔ جھپڑہ اک چھت غے تلے مصنوعات غی وسیع اقسام نانہ پیش کرینگا۔ اس نمائش مانہ داخلو سب واسطے مفت وے گو۔ آئی آئی اے جموں کشمیر چپٹر مرکزی زیر انتظام علاقہ مانہ معمار پیشہ نانہ فروغ دین مانہ اہم کردار ادا کر رہیو ہے تے آرکیٹیکٹس تے تعمیراتی صفت سنگ وابستہ کاروبار ری اداراں نانہ اک ہی پلیٹ فارم ور اکھٹاں کرے۔

Traffic Advisory

نواں سال غی تقریبات غے پیش نظر ہوٹل، ریسٹورینٹ، کلب تے دیگر مقامات خاص طور ور رام بن ضلع غا بٹوت تے سناسر علاقاں مانہ کافی رش غی توقع ہے۔ ہموار ٹریفک تے حفاظت نانہ یقینی بنان واسطے رام بن مانہ ٹریفک ایڈوائزری جاری کی گئی ہے۔ مسافراں نانہ کہیو گیو ہے کہ وے خراب موسم مانہ سفر کرن تیں گریز کریں تے شراب پی غے گڈی چلان، مو بائل فون غو استعمال کرنو، تے اوور لوڈینگ تیں پرہیز کریں، قومی شاہراہ 44 تے ادھم پور، ریا سی، ڈوڈہ، رام بن تے کشتواڑ ضلع غا پہاڑی علاقاں مانہ پسی پین تے مٹی غا تودا پین آلا علاقاں مانہ جان تیں گریز کریں۔ اس سلسلہ مانہ گل کرتاں واں ایس ایس پی ٹریفک پولیس رام بن روت بسکوترہ نے اس طرح کہیو۔۔۔ بائٹ۔۔

Poonch Idol Season 2

پونچھ آئڈل سیزن 2 شروع ہو گیو ہے۔ اس پروگرام غو مقصد گراں تے دیہات غا نوجواناں غا چھپا وا بُرنانہ سامنے لیانو ہے۔ اس سیزن مانہ 2 ہزار 1 سو 80 درخواستاں وچوں 35 شرکاء نانہ منتخب کیو گیو ہے۔ تقریب غا انعقاد کار سرفراز میر نے کہیو کہ یوہ پروگرام دیہی بُنر غی اہمیت نانہ مزید ابھارے گو۔

Weather

محکمہ موسمیات نے پیشنگوئی کی ہے جے نواں سال غی پہلی رات نانہ بکھ بکھ مقامات ور ہلکی برفباری غے نال موسم عام طور ور آبر آلود رہے گو۔ 3 تیں 6 جنوری توڑی جموں غا میدانی علاقاں مانہ موسم آبر آلود رہے گو، تے 4 تے 5 جنوری نانہ جموں کشمیر غا کئی مقامات ور برفباری ہو سکے۔ اسے دوران جموں سرینگر قومی شاہراہ ور دو طرفہ آمدورفت بنا رکا وٹ جا ری ہے۔ جد کہ مغل روڈ اجاں توڑی بند ہے۔ حالانکہ حکام غو کہنو ہے جے جلد ہی اس نانہ کھول دتا جائے گو۔

خاص خاص خبر اک وری فرسن لیو۔

- ★1۔ مرکزی وزیر ڈاکٹر جتندر سنگھ نے 2024 نانہ بھارت غا خلائی شعبہ واسطے اک اہم سال قرار دتو ہے اور کہیو ہے جے بھارت آئندہ سال گگن یان مشن غے تحت خاتون روبوٹ خلاء مانہ پیجن واسطے تیار ہے۔
- ★2۔ جموں کشمیر پولیس نے راجو ری غا 2 بنہ پا ر رہ ربیا دبشت گرد سرگنیا غی جائیداداں نانہ ضبط کیو ہے۔
- ★3۔ انتہائی سرد ترین موسم تے کہنی دھند غے بشکا ر جموں مانہ بین القوامی سرحد ور بی ایس ایف جوان پوری چوکس ہیں۔
- ★4۔ نواں سال غی آمد غے پیش نظر قومی شاہراہ ٹریفک پولیس رام بن نے ایڈوائزری جا ری کی ہے۔
- ★5۔ تے محکمہ موسمیات نے نواں سال غی پہلی رات نانہ کجھ اک مقامات ور ہلکی برفبا ری غی پیشنگوئی کی ہے۔
